

欽定大清會典事例

欽定大清會典事例卷四百四十三

禮部

羣祀

直省

風雷諸祀

直省

山川諸祭

直省

風雷諸祀。○原定祭用帛一。羊一。豕一。果五盤。尊一。爵三。讀祝文行禮。○雍正六年覆准。洪澤湖

風神廟。

敕封為清和宣惠風伯之神。遣禮部筆帖式一人齋祭。文香帛。交與河道總督致祭。○十三年覆准。廣

東邊海郡縣建立

風神廟加

封為宣仁昭泰風伯之神。令有司每歲春秋致祭。○又覆准甘肅蘭州府西郭外

雷神加

封為顯仁應瑞之神。每年春秋致祭。○乾隆十六年。頒給河南武陟縣沁河神廟

御筆靈源利濟扁額。○十九年。

敕封廣東雷州府雷神為

宣威布德雷神。

謹案神陳姓名文王蕭梁時官刺史。歿為雷神。宋始封威德王。明

改封司雷之神。○四十五年。

諭據阿桂等奏銅瓦廂風神廟於開放引河之先曾申虔禱因連獲順風掣溜全黃復歸故道顯有默相之功並懇頒發御書扁額以昭靈績等語著照所請銅瓦廂風神廟御書扁額另行頒發用答神貺。○六十年。

敕加廣東雷神

康濟封號。○道光十一年。

敕封江南風神為

康濟風神。○二十八年。

敕加江南風神

宣德贊化封號。○又

敕加江南濱湖風神

佑安封號。○咸豐二年覆准。江南

風神。登州海口

風神。一體加

封揚仁佐治四字。○五年

敕加江南風神

顯佑安恬封號。○六年。

敕加廣東風神

誠孚封號。○又

敕加廣東雷神

佑安封號。○又

敕加武昌漢陽風神

助順封號。○七年

敕加河南永城縣風神

靈佑封號。○同治十年。

敕加山東省城雨師廟

溥惠封號。○十一年。

敕加江南風神

昭應封號。○光緒四年。

敕加清口風神

敷仁封號。並准於高郵隄上萬佛禪林舊址。改建
祠廟。○六年

諭。山西壺關縣風穴山風伯神廟。屢因雨澤愆期。官
民虔禱。立沛甘霖。實深寅感。著南書房翰林恭書
扁額一方。交葆亨祇領。敬謹懸挂。○八年。

敕加江南風神

昭顯封號。○九年

諭。本年七月間。湖北江河水勢漲盛。險工疊出。經官

紳虔禱。旋即風平浪息。俾工程應手。保衛民生。實深寅感。著南書房翰林恭書風神廟扁額一方。交楊昌濬祇領。敬謹懸挂。○又

諭廣西馬平縣雷山廟龍雷二神。久著靈應。本年夏間。該處苦旱。官民虔禱。立沛甘霖。實深寅感。著南書房翰林恭書扁額一方。交倪文蔚祇領。敬謹懸挂。○十三年。頒給廣東

雷神聲振遐方扁額。○又

諭神靈禦災捍患。有功德於民。理宜崇報。惟近來各直省奏請頒發扁額。敕加封號者甚多。未免煩瀆。

且有據稱轉歉為豐。而地方仍係報災者。語多不符。尤不足以昭事神之誠。著各直省將軍都統督撫接奉此旨後。遇有此等事件。確實有徵者。分季彙題請旨。毋庸專摺具奏。○又奏准河南澠池縣整山

雷神。

敕封為宣利雷神。○又頒給直隸保定府

風神廟仁煦萬彙扁額。

電神廟惠澤同霑扁額。○又塔爾巴哈台

風神。

敕封為宣慈風神。

直省

山川諸祭。原定祭用帛一。羊一。豕一。果五盤。尊一。爵三。讀祝文行禮。順治三年題准。

敕封運河龍神為

延麻顯應分水龍王之神。令河道總督致祭。祭文內院撰給。遣官齋往。祭品由地方官豫備。康熙十八年議准。

敕封洞庭湖神。遣禮部司官齋香帛前往。讀文致祭。祭文由翰林院撰擬。香帛由太常寺豫備。二十

二年。

敕封山西五臺縣龍神為

廣濟龍神。頒給五界神湫扁額。○三十七年。以直隸霸州新安縣後改等處屢被水災。

特發帑金新開河道。

賜名永定河。

敕封永定河之神。建廟立碑於盧溝橋。遣官齋香帛前往。讀文致祭。祭文碑文。由翰林院撰擬。香帛由太常寺豫備。○雍正二年。

敕封四海龍神。東曰顯仁。南曰昭明。西曰正恆。北曰崇

禮均遣官齋祭文香帛。交該地方官致祭。○又
敕封洞庭湖神。加涵元匪利四字。立廟湖廣常德府。遣
官齋香帛祭文。交該地方官致祭。○又覆准。

敕封雲南各鹽井神為

普潤龍王之神。令該地方官立廟。春秋致祭。○三
年。頒給直隸永定

河神廟永佑安瀾扁額。懸挂盧溝橋廟內。○又覆
准。山東境內漳河。濟漕利運。

敕封臨清州河神為

福漕漳河之神。館陶縣河神為

惠濟漳河之神。飭各地方官恭設

神牌。每歲春秋致祭。○又覆准河南百泉之上衛源神祠。通漕濟運。先由該撫恭設

神牌。致祭一次。嗣後春秋照例致祭。○又覆准

青海水神。於塞外嚴寒之候。湧泉濟軍。

敕封為靈顯青海之神。由該督委官前往致祭。將滿漢蒙古三體字封號立碑勒石。垂諸永久。○五年覆准石景山渾河

龍神。已

敕封為永定河神。令河道總督春秋致祭。○又奏准陝

西郡縣太白山。中有靈湫三區。禱雨輒應。嗣後列入祀典。春秋致祭。○又

諭龍神專司各省雨澤。地方守土大臣。理應虔誠供奉。朕特造各省龍神大小二像。可著該省督撫迎請供奉本地。虔誠展祀。○六年覆准。河東鹽池。

敕封為昭惠裕阜鹽池之神。有司每歲春秋致祭。○七年覆准。浙江甯波府鎮海縣蛟門山

龍神。

敕加涵元昭泰鎮海封號。每歲守土官以六月朔日致祭。○又覆准。甘肅甯夏大渠正牐

龍神。

敕封為甯渠普利龍王之神。每歲守土官春秋致祭。

八年覆准。甘肅惠農昌潤二渠工程告竣。甯夏甯朔二縣。已各建龍王廟。嗣後兩縣各設

神牌。書

甯渠普利龍王之神。於每歲春秋仲月辰日。照

山川禮致祭。○又覆准。直隸滹沱河。

敕封長源永濟滹沱河神。每歲守土官春秋致祭。○又

建

湘江神廟於湖廣長沙。春秋致祭。○又以海塘告

成。

勅封浙海之神於海甯縣。後升為州。地方建廟崇祀。○九年

覆准甘肅甯夏

大清漢唐三渠相去不過一二十里均在甯朔縣地方。三渠各有廟宇。照惠農昌潤二渠之例各設

甯渠普利神牌。每歲春秋二季三渠分祭。其

大清渠廟適中。由甯朔縣承祭。漢唐二渠臨時各委官往祭。祭品祭期均與惠農昌潤二渠同。其廟宇亦令增修以光祀典。○又奏准直隸

永定河神。建新廟於石景山南龐邨告成。扁額由

內閣撰擬。碑文由翰林院撰擬。照祭

嶽鎮海瀆之禮。開列滿漢二品以下四品以上各部
院堂官。

欽命一人往祭。○十年覆准。廣西桂林府興安縣陡河
海陽山神。

○又
敕封為安流裏績海陽山神。有司歲以季秋九日致祭。

諭。洪澤湖賴高堰以為保障。建立石工。為久遠之計。二
年以來。風濤恬靜。工作易施。皆湖神默佑之力。宜虔

誠展禮以申報饗之忱。欽此。遵

旨建洪澤湖神廟於高家堰。春秋致祭。○十一年議准。

直隸

永定河神。每歲春秋祭祀所需於附近石景山之
固安房山等縣入官地畝內酌撥八百畝以供
祀典。○十二年覆准。山西介休縣有舊泉三。新
泉六。復有井泉一。建立

水神廟。由有司春秋致祭。○又覆准。廣西鬱林州
以涌泉著異。建立祠宇。

敕封為昭德沛澤泉源之神。有司歲以春秋致祭。○乾

隆二年

諭洞庭湖神。福佑一方。君山神廟。載在祀典。其春秋祭品。著照湘江江神之例。動用正項錢糧。以昭禮敬。

十六年。直隸

永定河神。加

封為安流廣惠之神。廟名惠濟。頒給

御書。畿輔安瀾扁額。旋經該督奏。盧溝橋。石景山。二處

舊有

河神廟。酌加修葺。將新

頒封號。於二廟各設

神牌。廟工告竣之日。頒發碑文勒石。其扁額懸挂石景山。

惠濟廟內。照例遣官致祭。並歲飭有司春秋展祀。○二十二年覆准。各省府州縣致祭境內。

山川。均以春秋仲月祭。

社稷壇之戊日同祭。○又以浙江塘工鞏固。

命於杭州省城之觀潮樓建立。

海神廟。以時致祭。○二十三年。

諭。嘉峪關外路多戈壁。從前並無水泉。今年大兵經過。鑿井數處。俱得甘泉。水勢騰湧。普濟軍行。不特所過。

駝馬汲飲有資。即往來商賈亦多利賴。此實神明贊佑所致。昔年

皇祖用兵時。地湧靈泉。曾於控犁地方建廟。以答神庥。今即照此例。交該督敬謹建造。該部具議以聞。欽此。遵

旨議定。嘉峪關外由安西至哈密。中有得勝墩地方。係戈壁之首處。地勢平坦。四面空闊。應於此處建蓋

龍神廟宇。工竣由該督告祭一次。每年春秋二祭。令地方官辦理。○二十四年

諭據努三奏稱博克達山在烏魯木齊附近東南係名勝之山前歲將軍兆惠在察罕果爾地方曾致祭在案連年將軍等未嘗經行此路是以未曾致祭烏魯木齊之巴爾哈達地方即屬祭祀形勢之處請將祭文並香齋交烏魯木齊大臣令其每歲春日致祭等語此奏甚是即著照所請行交該處即將祭文並香齋與駐紮烏魯木齊大臣令其接到時每年春日致祭其祭祀所需牛羊即在彼處辦用外仍照例奏銷著為例欽此遵

旨奏准嗣後添用制帛。是年。

敕封嘉峪關外龍神為

助順昭靈龍神。二十五年奉

旨。致祭木素里達巴漢。應用祭文祭品。著交該衙門照例辦理。由驛遞至阿克蘇。交與舒赫德致祭。○又

諭據阿桂等奏稱。致祭伊犁格登山。額林哈畢爾罕山。伊犁河所需祭文香帛等物。一併發往。請每歲春秋二季致祭等語。著照所請。每歲春秋二季致祭。所需祭文香帛等物。該部照例辦理發往。○又修理順天

涿州

佑濟龍神祠。

御製碑文勒石。○二十六年

諭據永貴奏稱。由吐魯番前往葉爾羌喀什噶爾。途間所有博爾圖嶺。山高路狹。自二十四年修理以來。其險處雖覺稍平。而夏閒仍多雨雪。以致牲畜不得牧放。請特降諭旨。撰寫祭文。頒發致祭等語。博爾圖嶺係回地名山。前往葉爾羌喀什噶爾所必由之路。著照所奏。交該衙門撰寫祭文。頒發喀什沙爾大臣。每歲照例致祭。謹案喀什沙爾大臣。光緒十年裁。○二十八年奏准。伊犁附近之空郭羅鄂博。阿里瑪圖河。阿布拉勒山。哈什河。空吉斯河。阿勒坦額墨勒都圖。小薩

曼河策集河奎屯河塔勒奇山賽哩木諾爾察罕烏蘇和爾霍斯河等處

山神

河神頒發祭文香帛。令駐紮伊犁大臣。每歲春秋致祭。○三十一年

諭據安泰等奏稱雅爾周圍所有塔爾巴哈台巴爾魯克等山雅爾裕爾額彬等河阿拉克圖古勒諾爾俱係有名處所請頒給祭文每年春秋二季致祭等語著照所請撰給祭文令該處大臣於每歲春秋致祭。○三十二年

諭東西二淀為畿輔匯萃清流之所。邇年豬蓄安恬。節
宣有藉。近淀邨莊田土。泛溢無虞。而菰蒲魚蟹之饒。
利賴於民生者更大。茲者春巡郊甸。循覽河隄。鳳艇
乘流。祥飈助順。尤足徵神貺之昭。宜建專祠。用答靈
佑。著該督卜地興工。特崇廟祀。以示妥神報功之典。

○三十六年七月。

聖駕巡幸熱河。值霖雨積日。白河水驟漲。遣官致禱。越
日漲陡落。

命於河壩建

白河神廟。

御製詩勒石祠內。○三十八年奏准。

青海龍神。每年秋季致祭一次。○三十九年。陝西
太白山。捐建專祠。

敕封為昭靈普潤太白山之神。○四十二年

諭。昨歲平定兩金川。大功告成。其地已歸入版圖。安屯
耕種。所有該處名山大川。效靈助順。自應列入祀典。
曾降旨令明亮等查奏。今據奏覆金川之索烏甲索
二山。及小金川之墨爾多山。均為番衆所敬奉。大軍
進剿時。亦頗著靈應等語。又金川大河。當官兵攻勦
勒烏圍時。立柵沿河。堅持數日。適值陰雨連綿。河水

旋長旋消。於沿灘柵寨。並無妨礙。及攻得勒烏圍。官兵移柵後。河水即陡然漲發。前所立柵之處。均漫水甚大。河神效順。實贊成功。均應春秋秩祀。以彰報功之義。著載入祀典。用垂久遠。所有撰文及一切禮儀。交各該衙門照例辦理。○四十三年

諭。遼河雙源遙引。合而為巨流河。襟帶神皋。恬波涵潤。實為陪都境內大川。朕恭謁

祖陵。蹕路所經。舟梁利涉。緬念河神之功甚溥。顧該處向無祠祀。典甚闕焉。著在濱河高阜處所。度地計工。奏聞請帑。專建河神廟。以昭妥佑。○又

命於山海關澄海樓旁興建

北海神廟春秋致祭。○又

諭。渾河發源遙遠。自東北來入英額邊門。西流幾及千里。會遼入海。滌護

三陵。滋演萬年

靈脈。長川襟帶。兼衛陪都。厥功甚鉅。自宜虔崇廟祀。以答神庥。者於盛京城東度地鳩工。奏聞請帑。興建河神廟。以昭妥佑。○又

命於吉林城外濱江處所。興建松花江

神廟。一切祀事。照望祭

北海之制○又

諭。據桑齋多爾濟等奏稱。庫倫之南有一汗山。喀爾喀四部落之王公札薩克呼圖克圖徒衆。俱以為靈異而敬之。請照致祭穆素爾嶺之例。由內廷發給香帛致祭等語。致祭汗山。洵屬美事。即照桑齋多爾濟所奏。著該部每歲春秋二季。發去香帛。交桑齋多爾濟等。其應用物件。令在該處備辦。率領王公札薩克等致祭。○又定致祭

汗山神。每年夏季以五月初一日致祭。秋季以八月初一日致祭。○四十五年。

敕封甘肅蘭州府龍神為

涵元普澤龍神。春秋致祭。○又新建巨流河渾河
河神廟工竣。

敕封巨流河神為

崇源協應河神。廟名演慶。頒給惠澤鍾祥扁額。

敕封渾河神為

靈源涵潤河神。廟名順應。頒給靈脈精禋扁額。令
盛京將軍告祭。行禮一次。嗣後春秋致祭。交地方
官致祭。告祭及春秋祭文。由翰林院撰擬。祭品
儀節。照例開單。發交該處遵照辦理。○又

諭建廟神牌扁額均係褒崇神祀沿用敕賜二字未協敬謹之意嗣後如遇有建廟封神等事擬請欽定者廟名著寫敕建神牌扁額俱著寫敕封字樣。○四十六年。

敕封順天密雲縣石匣龍神為

昭靈廣濟龍神遣大臣前往致祭。○四十七年

諭朕前歲南巡駐蹕金山即敬書金山靈區安瀾恆佑宏仁廣濟至德尊神牌位供奉神祠及回鑾渡江時雖有風濤而御舟穩渡實賴神佑不可不崇昭秩祀以答靈庥著該部載入祀典嗣後每遇致祭之期著

該部封香帛祝文送往。交該督撫親詣金山寺行禮。
○又奏准。星宿海等處

山川之神。由青海大臣每年致祭一次。○五十二年奏准。青海大臣巡視青海之年。由柴達木一路。親往致祭星宿海等處

山川之神。如值青海會盟及玉樹會盟之年。差委司官前往致祭。○又以臺灣官兵渡洋穩順。

敕加

天后顯神贊順封號。○五十三年

諭。據管幹珍和琳奏。臨清牕外運河。全賴漳衛二水會

汶北注。而浮運通漕。尤藉漳水之力。向有漳河神廟。建於運河北。許居民等祈雨祈晴。隨禱立應。今因牘外水弱。虔詣廟中。祈求水澤。數日霽雨油雲。水勢陡長四尺餘寸。軍民商賈。無不踴躍歡騰。稟請代奏。加錫封號等語。漳水來源。遠在晉省。去運河千有餘里。今管幹珍等虔禱數日。水頭立見長發。不啻應願而償。若非神靈賜佑。曷克臻此。允宜增益。鴻稱褒崇。封號以隆妥侑。而答神庥。著於漳河舊有封號上。加利運二字。並御書扁額對聯。發去敬謹懸挂。永昭靈貺。

○又

諭沿海處所。敕建天后神廟。屢著靈應。而福建湄洲。係神原籍。現在臺灣大功告成。仰荷神庥。疊昭靈貺。允宜特著明禋。用彰崇報。嗣後該督撫於天后本籍祠宇。春秋二季。敬謹官為致祭。以隆祀典。而答嘉庥。仍交該部載入祀典。五十四年奏准。湖北荊州府萬城隍向無

江神專祠。今發帑修隄。金湯永固。允宜特建祠宇。以肅明禋而邀

神貺。並載入祀典。春秋致祭。五十七年

諭。據秦承恩奏請定太白山祀典一摺。太白山禱雨輒

應。久著靈異。從前曾令該地方官春秋致祭。並特加
昭靈普潤封號。以答神庥。本年該省盼雨稍殷。設壇
虔禱。經該撫委員自太白山取水甫至。即沛甘霖。通
省俱獲優霑。益見功濟生民。允宜特隆秩祀。用肅精
禋。著交禮部列入祀典。並頒給祝文儀注。以昭崇報。

○又

諭富綱等奏請敕賜廠神封號一摺。近年各廠辦獲銅
斤。較每年額數。多至四百餘萬。自屬山靈呈瑞。理宜
列在祀典。錫之封號。用答神庥。著封為裕源興寶礦
脈龍神。並著該督撫於廠地相度處所。建設總廟。春

秋致祭。並交該部載入祀典。其大小各廠聽其自行立祠。其神牌祠額。即照所定封號。一律繕寫。○又覆准。滇省運辦京銅。東川府所轄湯大等廠。為辦銅總匯之區。即於府城東郭擇地建廟。工竣致祭。並頒發春秋致祭祝文。以昭誠敬。○五十八年

諭。福康安奏。此次官兵赴藏。經過丹達山。均無阻滯。山靈助順。請加封號。並頒懸扁額等語。丹達山遠在徼外。最為險峻。風雪不時。此次自軍興以來。官員兵丁調遣至藏。以及事竣凱旋。均當冬令。經過該處。得以

安穩邁行。毫無阻滯。實為神庥佑助。靈應聿昭。允宜
列在祀典。錫之封號。著封為昭靈助順山神。交該部
載入祀典。春秋致祭。並頒去御書扁額。交駐藏大臣。
飭令於山下舊建神祠。敬謹懸挂。以答庥應。而示懷
柔。○嘉慶七年奉

旨。伊犁春秋致祭

格登山等處山河。乾隆二十六年。原頒祭文十六
道。原書

朕字。俱敬謹改書

高宗純皇帝尊稱。其餘字句。概毋庸更改。該部即行文

伊犁將軍。永遠欽遵。入於交代。其烏魯木齊等處。亦照此畫一辦理。○八年。以浙江慈谿縣北雪山

龍神。素著靈應。

敕封甯民普惠鎮海龍神。○又

諭。昨三省軍務全歲。特降旨派員告祭川陝楚豫名山。大川。以答神佑。因思終南山作鎮關中。襟絡全陝。前次賊匪竄匿其中。官兵入山按捕。聞那彥成台布因入山霧阻。虔祝山靈。後即應時開霽。師行順利。今山境肅清。著祖之望。查明終南舊奉山神。曾否錫有封號。山內如有原建廟宇。或兵燹之後。致有傾圮。即查

估修整。或規模狹小。亦可量加展拓。如本無祠宇。即擇地鳩工營建。奏請頒發扁額。俟查明奏到之日。再降諭旨。欽此。遵。

旨擇地建廟。春秋致祭。

敕封為甯民顯佑終南山神。○十五年。以木蘭秋獮晴雨應時。

命將興安大嶺山神。詳議崇祀。○又廣東虎門新建靖海。

神廟。

敕封為佑民溥惠海神。頒給福佑環瀛扁額。○十七年。

以陝西大荔縣

九龍廟禱雨靈應。

敕加昭靈普潤封號。○又直隸永定河南下頭汎漫工

合龍因

河神顯佑。興建專祠。

敕封為安流行澤河神。○十八年。

敕加山東漳河神

靈澤封號。○二十一年。

敕封江西廬嶽神祠為

溥福廣濟廬嶽之神。○二十五年。

敕封湖北八分山龍神為

宣潤敷化龍神。○道光五年。

敕封江西章江水神為

靈澤顯應之神。○八年。

敕加漳河神

通佑封號。○九年。

敕封廣東瓊山縣東湖廟神為

孚惠伯。○十一年。

敕加江南河神

昭感封號。○十二年。

敕封喀什噶爾龍神為

惠保靈祐龍神。○十八年議准。湖北安陸府

漢神廟。增入祀典。並頒給

御書扁額。○二十四年。

敕封浙江甯海縣香巖山金井潭龍神為

靈應普濟龍神。○二十六年。

敕加山東歷城縣龍洞山龍神

康濟封號。○二十八年。

敕封山東登州府柘陽山龍神為

溥惠佑民龍神。○又陝西南柘坡峪新建

龍神祠。

敕封靈昭廣濟龍神。○又察木倫軍臺新建

龍神祠。

敕封宣惠奏功龍神。○咸豐二年。

敕加山東漳河神

助順封號。○三年。

敕封廣東德慶州悅城水口廟祀龍母為

昭顯龍母之神。○又

敕封山東掖縣土山龍神為

濟時沛澤龍神。○四年。

敕封直隸天津河神為

默護之神。○五年。

敕封浙江德清縣河神為

惠安之神。○又以浙江三潭

龍神靈應。

敕封奉化縣井泉山為

靈佑龍神。鄞縣白雲洞為

孚澤龍神。穀國基為

福應龍神。○七年。

敕封山西襄陵縣河神為

保安之神。

謹案。神即臺駘。汾神。少昊之裔。晉封昌胤公。宋封靈威元應公。沿河立有廟。

祀。○又

敕封浙江馬嶺廟祀龍神為

普澤龍神。○又

敕封河南永城縣龍神為

顯濟龍神。○八年。

敕封安徽潁上縣龍神為

顯應龍神。○又

敕封四川富順縣鹽井王神為

翊化之神。梅神為

廣濟之神。謹案二神皆晉太和時人。王逸其名。梅名澤。

○十年

諭。色克通額奏。參前任庫倫辦事大臣擅改祭山章程等語。庫倫肯特依神山。向係用湯退牛羊供獻。前任庫倫辦事大臣貝子德勒克多爾濟到任後。並不遵照定章。沿照伊父倫布多爾濟在任時用活牛活羊供獻。殊屬有違定制。德勒克多爾濟著交理藩院議處。嗣後恭祭神山。仍著用湯退牛羊。以符定制。○同

治三年。

敕封四川大渡河神為

護國之神。並列入祀典。春秋致祭。○四年。

敕封直隸邯鄲縣龍神為

靈應聖井龍神。○五年。

敕封江蘇高郵州清水潭五龍將軍為

顯應龍王。○又頒給河南陳州府龍神廟澤潤生

民扁額。○六年。

敕封山西太原縣懸壺山麓廟祀聖母為

沛澤聖母。○又

敕加廣東昭顯龍母

溥佑封號。○又

敕封安徽潁州府龍神為

顯佑龍神。○七年。

敕加山東漳河神

顯應封號。○八年。

敕加河南臨漳縣漳河神

昭惠封號。○九年。

敕封山西平遙縣超山廟祀應潤侯為

靈佑之神。○十年。

敕封江西安義縣龍神為

普濟龍神。頒給德周澤普扁額。○十一年題准廣

東牛峙山廟祀平鼎大神。

敕封為牛峙山神。○十三年。

敕封河南嵩山九龍潭龍神為

靈惠龍神。河南府龍神為

昭應龍神。○又

敕封浙江定海廳龍神為

昭應龍神。○光緒元年。

敕加永定河安流廣惠之神

普濟封號。○又覆准。

敕封江蘇長洲縣白龍神為

普惠龍神。○二年

諭直隸邯鄲縣

龍神廟祈雨靈驗前經奉

旨加封靈應聖井龍神。本年因雨澤稀少。迎請鐵牌來京供奉。

大光明殿。昨日甘澍旁敷。郊原霑足。寅感實深。著再加封靈應昭佑聖井龍神。又奉天新民廳柳河河神。

敕封為顯佑柳河之神。○三年

敕加靈顯青海之神

宣威封號。○又甘肅西甯府城新建

青海神廟。春秋致祭。○四年。

敕加直隸邯鄲縣龍神為

靈應昭佑宏濟聖井龍神。○五年。

敕加漳河神

普佑封號。○又

敕加太原沛澤聖母

翊化封號。並

敕封水母為

敷化水母。○又

敕加直隸邯鄲縣龍神為

靈應昭佑宏濟永澤聖井龍神。○又

敕封河南鎮平縣三潭龍神為

靈祐龍神。○又

敕封江甯上元縣烏龍山龍神為

靈護龍神。列入祀典。春秋致祭。○又

敕封山西永濟縣龍神為

昭惠龍神。孟縣諸龍神為

敷澤龍神。謹案神諸姓諱希默。江南人。明洪武時官總兵。後隱居龍泉山石室。修煉羽

化。村民立廟於山泉左。○六年。

敕封山西大同縣龍神為

廣濟龍神。○又

敕封山西五臺縣廣濟龍王為

靈護龍神。○又

敕封四川汶川縣白龍潭龍神為

顯佑龍神。列入祀典。春秋致祭。○又

敕封河南陝州境內明山之頂白龍廟龍神為

昭惠龍神。列入祀典。春秋致祭。○又

敕封浙江鄞縣銅盆浦龍神為

靈護龍神。鄞縣太白山龍潭龍神為

永濟龍神。○又

敕封河南武陟縣蓮花池廟祀沁河神為

顯佑河神。○七年。

敕封江甯省城朝陽門外靈谷寺龍神為

福佑龍神。○又

敕加江西安義縣普濟龍神

昭應封號。分別列入祀典。春秋致祭。○又河南密

縣

白龍神。

敕封靈祐龍神。○又四川富順縣重修鹽井

神廟。

敕加翊化之神普惠封號。

廣濟之神普護封號。○八年。

敕加廣東高要縣景福園內昭顯溥佑龍母

廣蔭封號。○又

敕封湖北黃陂縣木蘭山神為

顯應木蘭山神。列入祀典。春秋致祭。○又

敕封西藏瓦合山神為

翊化之神。列入祀典。春秋致祭。○九年

諭李鴻章奏神靈顯應請頒扁額等語。永定河南五
工河神廟。素著靈應。此次十五號大工正在合龍

之際。西北風大作。冰塊壅塞口門。人力難施。經在
工人員。詣廟虔禱。風息冰融。始得搶辦合龍。實深
寅感。著南書房翰林恭書扁額一方。交李鴻章敬
謹懸挂。以答神庥。○又

敕封廣西鬱林州寒山廟龍神為

溥澤龍神。○又奉天安東縣元寶山新建龍王廟
敕封為

孚感龍神。列入祀典。春秋致祭。○十年。

敕封甘肅丹噶爾廳龍神為

溥濟龍神。○又

敕封江西貴溪縣聖井潭龍神為

孚應龍神。又

敕封甘肅金塔堡龍神為

沛澤龍神。又

敕封湖北鄖西縣黑龍洞龍神為

誠感龍神。又

敕封科布多河神為

濟民之神。又熱河重修

河神專祠列入祀典。春秋致祭。祭文交翰林院撰

擬。永遠遵用。頒給功昭利濟扁額。十一年定。

四川峨眉。山神。屢著靈異。嗣後列入祀典。春秋致祭。一切祭品。均照常祭之例。○又

敕封河南浙川廳黑龍泉龍神為

惠澤龍神。○又

敕封安徽太平縣龍神為

靈感龍神。○十二年。

敕封雲南雲南縣龍神為

翊化龍神。會澤縣城北龍神為

康蔭龍神。城西龍神為

靈誠龍神。○又

敕封山東淄川縣九泉山龍神為

惠澤龍神。縣城內龍神為

靈誠龍神。○又

敕封奉天開原縣龍神為

敷澤龍神。威遠堡邊門外龍神為

感應龍神。○又

敕封湖北通城縣南錫山龍神為

惠澤龍神。○又

敕封江西瑞昌縣白龍潭龍神為

保民龍神。○又

敕封湖南長沙縣北關少白龍王為

昭佑龍神。○又

敕封甘肅平涼縣龍神為

靈濟龍神。○又

敕加昭靈普潤太白山神

保民封號。○十三年。

敕封山西洪洞縣龍神為

誠顯龍神。屯留縣三峻廟為

昭顯之神。○又

敕封雲南太和縣蒼山龍神為

靈感龍神。洱海龍神為

胡運龍神。○又

勅封四川南川縣金峨洞龍神為

宣仁龍神。萬縣城內龍王為

昭毅龍神。石龍洞龍神為

綏福龍神。○又

敕封山東德平縣龍神為

孚順龍神。○又

敕封山東益都縣城東七里河龍神為

贊化龍神。○又

敕封四川永敘廳甘溪洞龍神為

沛澤龍神。○又

諭李鴻章奏神靈顯應請頒扁額並加封號等語。通
州潮白河關繫運道民生。本年堵築壩基。默邀河
神護佑。早得合龍。實深寅感。著南書房翰林恭書
扁額。交李鴻章祇領。敬謹懸挂。以答神庥。所請敕
加封號。禮部議奏。欽此。遵

旨議奏。

敕封為普應潮白河神。○又

敕封奉天鳳凰廳城東關龍神為

靈應龍神。○又

敕封山東即墨縣天井山龍神為

靈應龍神。○又

敕封新疆迪化府龍神為

靈濟龍神。○又

敕封奉天省城龍王為

靈應龍神。○又

敕封奉天遼陽州龍神為

顯應龍神。義州龍神為

普佑龍神。

地安門外日中坊橋東。曰

靈明顯佑宮。○順治八年定。每年恭遇

萬壽聖節。遣官祀

北極佑聖真君。用白色禮神制帛一。核桃荔枝龍

眼棗栗各一盤。

各祠廟果品同。

饅首五盤。饊五盤。餅四

盤。大寶粧花一。茶三瓊。○光緒十年議定。每年

十月初十日。

慈禧端佑康頤昭豫莊誠皇太后萬壽聖節。遣官致祭

靈明顯佑宮。

祭

司火之神。

廟建於

地安門外日中坊橋西。每年六月二十三日遣官承祀。○康熙二年定。祀用白色禮神制帛一。羊一。豕一。果品五盤。尊一。爵三。○雍正八年奏准。每歲祀

火神廟。改少牢為太牢。○乾隆十八年奏准。祀火神。改用紅色禮神制帛。○咸豐四年。

敕封廟祀直隸天津縣火神為顯佑火神。○七年。

敕封廟祀河南永城縣火神為耀靈火神。○同治四年。

敕封廟祀四川峨眉山大神為顯佑火神。

祭

燮神。康熙二十八年定。每歲九月初一日。陳燮位於盧溝橋沙鍋邨。八旗按翼排列。各設

神位。皆羊一。豕一。簋一。鉶二。爵三。尊一。設祝案於鑲黃旗燮位前。贊禮郎引承祭都統於鑲黃旗燮位前。上香三獻。讀祝文行禮。餘七旗都統各於本旗燮位前。隨承祭官上香三獻行禮。各望燎。副都統以下等官皆陪祀。咸補服。○三十五年。

聖祖仁皇帝親征噶爾丹。遣官致祭。

火礮之神。行禮如儀。○三十六年。大軍凱旋。翼日。

設一

壇於安定門外。祭隨營旗幟於鑲黃旗教場。設一壇於德勝門外。祭隨營礮位於正黃旗教場。各陳牛一。羊一。豕一。果五盤。點香燭奠帛獻爵讀祝文致祭。分遣大臣二人主祭。凡管幟之大臣官員。皆陪祀於

旗幟壇。火器營大臣官員。皆陪祀於

礮位壇。○雍正三年定。每三年一次遣官祀。

礮神。○乾隆十八年定。每三年一次祀。

礮神。遣都統或副都統。每旗各一人承祭。各用太常寺贊禮郎二人引禮。贊禮郎通贊。每旗增設酒錢三十。祝文內書

皇帝遣某官等致祭。

書鎮黃旗都統名。如鎮黃旗都統以事不與。書次旗都統名。由

太常寺臨時開列具奏。

○二十二年奏准。八旗漢軍礮營。

亦照滿洲火器營演礮之例。將三年一次赴盧溝橋演放。改為每年秋季赴盧溝橋演放。即於演放日行禮致祭。○三十年奏准。各

神廟並賢良等祠祭文。俱用祝版。惟每歲九月致

祭

礮神。向例相沿止用單紙繕寫祝文。應改用祝版。以昭敬謹。又致祭

礮神於盧溝橋郊外。非祠廟定所。向無專設祭器。嗣後交八旗漢軍都統。並滿洲火器營。將一切祭器會同敬謹畫一辦理。以重祀典。○三十三年奏准。舊例八旗漢軍祭

礮神。祝版內惟繕寫鑲黃旗分承祭大臣職名。其餘承祭大臣。俱隨班行禮。嗣後八旗咨送承祭大臣內。如有王爵。即不拘旗分。開列王職名承

祭。如無王爵。仍列鑲黃旗都統職名承祭。

火器營祭八旗

礮神。乾隆十四年定。於盧溝橋沙鍋邨致祭。每
年請

旨舉行。祭時共設一案。以火器營總統一人承祭。火
器營官員咸補服陪祭。上香讀祝獻爵望燎。均
與漢軍礮營致祭儀同。

祭

都城隍之神。

廟建於都城西南隅。每歲秋月諏吉。遣官致祭。

順治三年定祭用白色禮神制帛一。羊一。豕一。
釧二。簋二。盞二。邊十。豆十。尊一。爵三。○八年題
准。每年

萬壽聖節。遣官致祭。用帛一。牛羊豕各一。果品五盤。
尊一。爵三。○雍正三年議准。嗣後祭

都城隍廟。前期。太常寺開列部院尚書左都御史。
題請

欽派一人致祭。○四年重修

都城隍廟。

御製碑記勒石。建亭於殿前之東。

命親王致祭行禮。○光緒十年議定。每年十月初十日。
慈禧端佑康頤昭豫莊誠皇太后萬壽聖節。遣官致祭
都城隍廟。

祭

東嶽之神。

廟建於朝陽門外。每年

萬壽聖節。遣官致祭。○順治八年定。祭用青色禮神
制帛一。牛一。羊一。豕一。果品五盤。尊一。爵三。○
光緒十年議定。每年十月初十日。

慈禧端佑康頤昭豫莊誠皇太后萬壽聖節。遣官致祭

東嶽廟。

祭黑龍潭

龍神。康熙二十年。以都城西北三十餘里金山之麓。舊有黑龍潭。禱雨輒應。重建祠宇。

御製碑文勒石。雍正二年。以禱雨霑足。

御製碑文。

親灑宸翰。勒石

廟庭。並易以黃琉璃瓦。乾隆三年

諭。黑龍潭

龍神。福國佑民。靈顯素著。每遇京師雨澤愆期。祈禱

必應。是明神功德。實能膏潤田疇。順成年穀。為萬姓之所仰賴。昔年

皇祖式廓廟貌。建立豐碑。

皇考又復易以黃瓦。用昭敬禮。今應議加封號。以示尊崇。著大學士會同該部定議具奏。欽此。遵

旨擬定。

敕封為

昭靈沛澤龍王之神。製造神牌。安設供奉。遣官致祭一次。祭文由翰林院撰擬。祭品由太常寺備辦。每歲春秋致祭。用黑色禮神制帛一。羊一。豕

一。簋各二。蓮豆各十。尊一。爵三。○二十五年奉

旨。嗣後致祭黑龍潭神。改造內務府圓明園大臣承祭。祭白龍潭

龍神。○嘉慶十八年

諭。據禮部查明白龍潭

龍神。於乾隆四十六年。曾經

加封為昭靈廣濟龍神。此次毋庸再益徽稱。著增入祀典。春秋以時致祭。用彰靈應。每屆祀期前十日。由太常寺專摺具奏。將散秩大臣開列名單進呈。候旨派

往行禮。○又

諭致祭白龍潭

龍神。毋庸由京派員前往行走執事。其贊引讀祝各項執事。應令該督溫承恩飭令該處豫備。欽此。遵

旨議准。每歲春秋。諏吉與黑龍潭

龍神祠同日遣官致祭。前期十日。由太常寺具奏。開列侍衛處散秩大臣銜名。

欽派一員前往致祭。祀日。地方官備祭案具器陳供。祝版香帛尊爵。並挂牢品物。其贊引讀祝各執事。由直隸總督派員將事。餘儀與

京師

龍神祠同。○二十二年。白龍潭
龍神。

加封為昭靈廣濟普澤龍神。

祭玉泉山

龍神○

廟建於

靜明園內玉泉山○乾隆九年奉

旨。封京都玉泉山龍王之神為

惠濟慈佑龍神。○十六年奉

旨。玉泉山龍神祠。易以綠琉璃瓦。又

諭。京師玉泉。靈源濬發。為德水之樞紐。畿甸衆流環匯。皆從此滌注。朕厯品名泉。實為天下第一。其澤流潤。廣惠濟者博而遠矣。上有龍神祠。已命所司鳩工崇飾。宜列之祀典。其品式一視黑龍潭。該部具議以聞。欽此。遵

旨議定。嗣後列入祀典。俟廟工完竣。遣禮部堂官一人往祭。並

御製碑記勒石祠左。以昭

神功。春秋二季。祭品儀節。均與祭黑龍潭

龍神同。○二十五年奉

旨。嗣後致祭玉泉龍神。改遣內務府圓明園大臣承祭。

○嘉慶六年

諭玉泉山

惠濟慈佑龍王廟。每遇祈禱雨澤。屢著靈應。久經載入祀典。近因夏至以後。雨澤較少。本月十七日。朕親詣虔誠默禱。是日即有微雨飄灑。次日大沛甘霖。連宵達曙。尤徵靈驗。允宜敬加稱號。用答

神庥。著稱為

惠濟慈佑靈護龍王廟。以昭崇奉。○十三年八月

諭本月十一日致祭玉泉山

龍神。是日恭值

太祖高皇帝忌辰。向來

圍丘

祈穀

方澤

太廟諸大祀。即遇忌辰日期。亦照舊致祭。原以禮統於尊。祭期亦有一定。若龍神諸廟。皆為羣祀。向由欽天監擇日。既係涓吉。何必於忌辰行禮。所有原擇日期。之欽天監堂司各官。殊屬粗疏。均著交部議處。嗣後

致祭羣祀。不得用忌辰。著另擇日行禮。

祭昆明湖

龍神。○嘉慶十七年

諭。昆明湖廣潤靈雨祠

龍神。靈應夙著。本年三月二十九日。朕因農田望澤。前往拈香。甫回御園。甘霖立沛。旬日以來。大田微覺乾燥。朕昨早復親詣拈香默禱。旋即油雲密布。午後甘膏滲漉。四野優霑。本日又得陣雨滂沛。神佑感孚。如響斯應。允宜崇加封號。於原封安佑普濟神號下。敬增沛澤廣生四字。並著禮部查照黑龍潭玉泉山

兩處

龍神祠祀典一體春秋致祭。以昭靈貺。欽此。遵旨議准。列入祀典。嗣後由欽天監查照致祭。

龍神祠之例。每歲選定春秋致祭日期。彙入祀典。豫行送部。由部轉交太常寺。按期題請。

欽派大臣一員承祭。朝服上香。讀祝三獻。行禮如儀。所有應用香帛祭品祭器等項。由太常寺備辦。祝文由翰林院撰擬成式應用。即於本年仲秋為始。擇吉致祭。

祭

惠濟祠

河神廟○

廟建於

綺春園內○嘉慶十七年

諭朕敬禮

神祇為民祈福。大內及御園多有供奉

諸神祠宇。每遇祈報。就近瞻禮。以伸誠敬。惟水府

諸神。如

天后

河神向無祠位。凡遇發香伸敬之時。皆係望空展禮。

遙抒虔悃。今擬於御園內添建祠宇。著百齡親赴清江浦。於崇祀各神如

天后

惠濟龍神素昭靈應。載在祀典者。將

神牌封號字樣詳繕具奏。俟廟宇落成。照式虔造。以迓神庥。二十二年

諭。御園惠濟祠河神廟。自本年秋祭為始。每歲春秋二季。照清漪園靜明園二處龍神一體致祭。欽此。遵旨議定。

惠濟祠供奉

護國庇民妙靈昭應宏仁普濟福佑羣生誠感咸孚顯神贊順垂慈篤祐安瀾利運澤阜海宇恬波宣惠導流行慶靖洋錫祉恩周德溥衛漕保秦振武綏疆嘉佑天后之神。

河神廟供奉

長源佑順通佑靈應淮瀆之神。

顯佑通濟昭靈效順廣利安民惠孚普運護國孚澤綏疆敷仁保康贊翊宣誠靈感輔化襄猷溥靖德庇錫祐溥佑金龍四大王之神。

靈佑襄濟顯惠贊順護國普利昭應孚澤綏靖溥

化宣仁保民誠感誠感德陰黃大王之神。均一體列入祀典。春秋致祭。與黑龍潭

龍神祠。同日遣

圓明園大臣將事。典禮儀節。與祭黑龍潭同。

祭

后土

司工之神。順治初年定。遇大興作。隨其營造所在。各建綵棚。設

后土

司工神位。遣官致祭。各用白色禮神制帛一。羊一。

豕一。果品五盤。饅首五盤。餅五盤。餅四盤。大寶
糝花一。尊一。爵三。如迎吻祭。

琉璃窻神。並經由一路。

門神。陳設禮儀。均與祭。

后土

司工之神同。○道光三年

諭。本年正月十二日修理

裕陵

隆恩殿。開工前期。告祭。

后土之神。遲至初九日。始據太常寺派讀祝官一員。

送到祝文。其祝版香帛。以及祭品。全未備辦。綿岫等恐誤興工吉期。立即派員備辦。敬謹成禮。所辦甚是。其太常寺因何遲誤緣由。是否係該堂官派往期迫。抑係派出之員前往遲延。著太常寺堂官明白回奏。

○咸豐八年

諭。春雨軒司土之神。昔封為圓明園昭佑敷禧司土真君。土母晉封為昭佑敷禧司土夫人。春秋二季禮節。仿照羣祀。管圍庭內務府大臣一人。服蟒袍補褂承祭。中和樂伺候樂一切事宜。著裕誠酌擬具奏。欽此。

遵

旨議定。查照羣祀禮節。令內務府大臣春秋致祭。

祭

司機之神。○順治十六年。織造局設機。祭告
司機之神。遣禮部堂官行禮。一應禮儀。與祭
司工之神同。

祭

司倉之神。○雍正七年。覆准。通州三倉。惟大西倉
舊有倉神祠。

京師內七倉。右翼興平倉。舊有太倉神廟。俱重加
修葺。左翼擇於海運倉。照興平倉廟式。建立廟

宇城外五倉。統於新建之儲濟倉。建廟設

司倉神位。每歲令倉場侍郎春秋致祭。各用帛一。

羊一。豕一。果品十盤。乾鮮各五。尊一。爵三。京城通州

各倉監督。咸朝服陪祭。

春秋祭八旗左右翼及直省府州縣忠義孝弟

祠節孝祠。○直省府州縣立忠義孝弟祠。祠內

設本鄉忠臣義士孝子悌弟各牌位。八旗左右

翼及直省府州縣立節孝祠。婦女以節孝貞烈

被旌者。已故設牌位於祠。有司歲以春秋致祭。

用帛一。羊一。豕一。爵三。尊一。承祭官行禮。與各

省祭賢良祠儀同。雍正二年

諭。旌表節義。給銀建坊。民間往往視為具文。未曾建立。恐日久仍至泯沒。不能使民間有所觀感。著於學宮內建忠義祠一所。立石碑一通。於學宮附近處購買基址。建節孝祠一所。立大牌坊一座。其石碑牌坊。將前後忠孝節義之人。悉標姓氏於其上。已故者設牌位於祠中。春秋祭祀。用闡幽光。以垂永久。欽此。遵

旨議定。行令順天府。奉天府。直隸各省府州縣衛。分別男女。各建二祠。一為忠義孝弟祠。建於學宮內。祠門內立石碑一通。將前後忠義孝弟之人。刊

刻姓氏於其上。已故者設牌位於祠中。一為節孝祠。別擇地營建。祠門外建大坊一座。將前後節孝婦女。標題姓氏於其上。已故者設牌位於祠中。每年春秋二次。令直省各府州縣衛守土官致祭。其建立祠宇牌坊銀。動用正項錢糧。報工部奏銷。乾隆四十年

諭。崇獎忠貞。所以風勵臣節。然自昔累朝。嬗代凡勝。國死事之臣。罕有錄予易名者。惟我

世祖章皇帝定鼎之初。於崇禎末殉難之大學士范景文等二十人。

特恩賜諡。仰見

聖度如天。軫卹遺忠。實為亙古曠典。第當時僅徵據傳聞。未暇徧為按訪。故得選表章者。止有此數。迨久而遺事漸彰。復經論定。今明史所載。可按而知也。朕惟以大公至正為衡。凡明季盡節諸臣。既能為國抒忠。優獎實同一視。所有應諡諸人。並查明史及輯覽所載。遵照

世祖時之例。仍其原官。予以諡號。其如何分別定諡之處。著大學士九卿京堂翰詹科道集議以聞。○四十

一年

諭。前以明季殉節諸臣。各為其主。義烈可嘉。自宜查明錫諡。因命大學士九卿京堂翰詹科道集議奏聞。茲復念建文革除之際。其臣之仗節死難者。史冊所載甚多。夫以勝國革命之時。其抗我顏行者。尚念其忠於所事。特予表章。矧建文諸臣。不幸遘遭內難。為國捐生成仁取義。豈可令其湮沒。自當一體議諡。以發幽光而昭公道。其應如何分別議諡之處。著同前旨。交大學士等一體詳查集議具奏。欽此。遵

旨奏定。明代殉國諸臣。所處時地不同。其素行亦各不一。定為專諡通諡之法。其有生平大節卓然可

稱。而又艱貞自靖。百折不回者。即特予褒崇。按名定諡。若平時無甚表見。而慷慨致命。志節皎然。則彙入通諡之例。其較著者為忠烈忠節。次則為烈愍節愍。期於考行稱名。各有攸當。又明代應諡諸臣。其在天啟崇禎間。已經議卹者。均毋庸再給。至福王時。雖間有贈諡。而荒殘擾攘之際。偏私挂漏。指不勝屈。其出於唐桂二王者。則臧否益淆。規制彌陋。所有自福王以後得諡者。並按其應諡之實。綜數更正。又明代諸臣既

邀

賜諡。宜有所附麗。褒彰第以事遠年湮。即欲表墓旌閭。亦難查考。而異代之臣。更不便照現行事例。因諡立碑。各直省府州縣俱有忠義祠。諸臣原籍。今有司設牌入祠。其或里居失傳者。則於授命之所附祠。

敕下翰林院撰擬專諡及通諡文各一篇。交禮部刊發直省。令所在按式成造木榜。填書某官姓名諡字。附載事實於後。懸諸祠內。以昭令典。其有後裔尚存。願於祠墓自行鑄立碑石者聽。至史冊所稱闕門遇難者。不一而足。應入祀節孝祠以

示表揚。其有姓氏可稽者。詳書於牌。否則止書某某妻妾女媳。同時殉難若干口。用昭數實。又諸生韋布。未通仕籍。甚且姓名無考。如山樵市隱之流。遂志成仁。所在多有。凡諡之所不及者。均令其入祀忠義祠。則草野幽貞。亦不至於泯沒。其有妻女從殉者。並如前例。○嘉慶四年題准。殉難紳士庶民。於本邑忠義孝弟祠內設位致祭。並題名於石碑。至被賊戕害之婦女等。令該督撫轉飭各州縣。每處總建一坊。給銀三十兩。交各該地方官支領。於通衢大路。擇地剋期

建立。所有大小婦女姓氏。全行鐫刻於其上。其各該處節孝祠內。除婢女外。餘俱設位致祭。○五年題准。向例各省殉難紳士庶民。於本邑忠義孝弟祠內設位致祭。婦女於節孝祠內設位致祭。並未分別年歲。定以限制。殊非慎重祀典之道。嗣後年屆十歲以上者。入祠設位。春秋致祭。其未及十歲者。毋庸設位。○咸豐四年

諭。自逆匪竄擾以來。所過州縣邨莊。無不慘遭蹂躪。曾經疊降諭旨。令各省紳民辦理團練。既可保衛身家。又可隨同官軍勦賊。近月以來。屢覽軍營奏報。各該

處紳民人等。或殺賊被害。或殉節捐軀。實屬深明大義。均堪憫惻。著各路統兵大臣暨各該督撫等。迅速查明。凡逆賊經過地方。鄉團紳民人等。有能奮勇勦賊者。隨時分別保奏。朕必立加優獎。其陣亡鄉勇。除隨同官兵打仗。例得請卹外。其有激於義憤。殺賊殞身者。無論防勦逆賊土匪。悉准令紳民於各該地方。建立總坊。一併題名。並從祀各州縣忠義祠。以昭激勸。○又

諭。向來建坊入祠之案。例皆按年彙題。由部覈覆。未免往返需時。所有各處紳民殺賊遇害。既由各路統兵

大臣及各該督撫查明。著於該州縣申詳到時。即行遵旨建坊入祠。隨時咨部存案。俾免稽延。至有闔家男婦同時殉難者。並准照總坊例。聽其自行另建一坊。以示表異。其婦女恐被玷辱。捐軀明志者。准其從祀節孝祠。以慰貞魂。○同治四年

諭上年九月賊竄福建龍溪縣地方。該處陳社鄉團守備陳國香等。激勵族眾。保守鄉寨。殺賊甚多。十一月間賊眾環攻。男女被焚殺者七八千人。該社鄉民聯團禦賊。深明大義。實堪嘉尚。且於被圍之日。誓死不屈。殉難甚烈。尤屬大節。懍然殊堪憫惻。所有陳社鄉

節。團被害男女。著准其建祠入祀。賜名忠義鄉。以彰忠節。

直省祭厲壇。○順治初年定。直省府州縣各立厲壇於城北郊。每年清明日。七月十五日。十月朔日。用羊三。豕三。米飯三石。並香燭酒醴楮帛。以祭本境無祀鬼神。府稱郡厲。縣稱邑厲。咸以有司承祭。前期守土官飭所司具香燭。公服詣城隍廟。以祭厲告本境。

城隍之神。上香跪。三叩興。退。至日。陳牲帛尊酒於祭所。設燎鑪於壇南。質明禮生奉請。

城隍神位入壇。設於正中。香案一。鑪。鐙具。贊禮生二人。引守土官公服詣

神位前。贊跪。守土官跪。贊上香。守土官三上香。贊叩興。守土官三叩興。退。執事者焚楮帛。守土官詣燎鑪前。祭酒三爵。退。禮生仍奉

城隍神位還廟。各退。○咸豐三年。

敕封湖南善化縣永鎮城隍之神。○五年。

敕封江蘇六合縣靈應城隍之神。○又

敕封江蘇寶山縣顯應城隍之神。謹案神明初封郡侯。嗣封吳松所鎮海

咸豐公。國朝設縣治。即奉為城隍。列入祀典。○又

敕封江蘇嘉定縣昭應城隍之神。○又

敕封福建安溪縣普護城隍之神。○七年。

敕封河南永城縣保康城隍之神。○八年。

敕封安徽潁上縣康靖城隍之神。○又

敕封江蘇太倉州綏福城隍之神。○又

敕封河南固始縣康佑城隍之神。謹案神後○十年。

敕封江蘇甘泉縣孚感城隍之神。○十一年。

敕封直隸通州顯應城隍之神。○又

敕封廣東四會縣顯應城隍之神。○同治三年。

敕封河南項城縣顯佑城隍之神。○又

敕封河南西華縣靈應城隍之神。○又

敕封福建護國省城隍之神。○五年。

敕封河南陳州府安靖城隍之神。淮甯縣保康城隍之神。○六年。

敕封山東曹縣顯應城隍之神。○又

敕封江蘇吳江縣普庇城隍之神。○七年。

敕封安徽潁州府顯佑城隍之神。阜陽縣靈感城隍之神。○又

敕封直隸平惠省城隍之神。○又

敕封直隸博野縣惠濟城隍之神。○又

敕封直隸唐山縣昭應城隍之神。○八年。

敕封山東禹城縣沛澤城隍之神。○又

敕封湖北孝感縣護國城隍之神。○又

敕封江蘇常熟縣護國城隍之神。昭文縣襄順城隍之

神。○又

敕封湖南長沙縣靈佑城隍之神。○九年。

敕封河南靈佑省城隍之神。○又

敕封河南祥符縣昭感城隍之神。○又

敕封河南南陽府靈顯城隍之神。○又

敕封河南南陽縣靈顯城隍之神。○又

敕封河南鄭州顯佑城隍之神。○又

敕封河南睢州康佑城隍之神。○又

敕封河南武陟縣威佑城隍之神。○又

敕封安徽巢縣昭感城隍之神。○又

敕封四川珙縣靈佑城隍之神。○又

敕封福建永春州顯應城隍之神。○十一年。

敕封廣東佛岡廳靈佑城隍之神。○又

敕封河南新蔡縣顯佑城隍之神。○又

敕封湖北蒲圻縣靈感城隍之神。○又

敕封浙江黃巖縣靈佑城隍之神。○又

敕封江蘇上海縣靈佑城隍之神。○又

敕封河南正陽縣昭顯城隍之神。○又

敕封廣東連平州靈佑城隍之神。○光緒元年。

敕封福建臺灣嘉義縣綏靖城隍之神。○五年。

敕封山西蒲州府廣澤城隍之神。永濟縣綏靖城隍

之神。○六年。

敕封山西遼州靈佑城隍之神。芮城縣靈顯城隍之

神。○八年。

敕封甘肅碾伯縣昭德城隍之神。化平廳昭孚城隍

之神。○又

敕封甘肅新疆巴里坤靈濟城隍之神。○又

敕封湖北黃陂縣昭孚城隍之神。○九年。

敕封奉天鳳凰直隸廳靈感城隍之神。○又

敕封江蘇儀徵縣綏靖城隍之神。○又

敕封甘肅丹噶爾廳護國城隍之神。撫彝廳靈應城隍之神。○十年。

敕封甘肅肅州金塔堡靈感城隍之神。靈州花馬池

佑順城隍之神。○又

敕封甘肅固原直隸州昭應城隍之神。○又

敕封江蘇青浦縣福佑城隍之神。○又

敕封廣東萬州惠澤城隍之神。○又

敕封河南扶溝縣普佑城隍之神。中牟縣昭顯城隍之神。○十一年。

敕封河南浙川廳威護城隍之神。○又

敕封山東蒲臺縣靈感城隍之神。○又

敕封河南鹿邑縣昭應城隍之神。太康縣沛澤城隍之神。○又

敕封安徽太平縣護國城隍之神。○又

敕封安徽六安州溥濟城隍之神。○又

敕封福建臺灣澎湖靈應城隍之神。○又

敕封奉天新民廳沛澤城隍之神。寬甸縣靈應城隍之神。○十二年。

敕封河南歸德府溥佑城隍之神。商邱縣宣威城隍之神。○又

敕封湖南安仁縣威顯城隍之神。○又

敕封山東淄川縣利民城隍之神。○又

敕封江西萬安縣利澤城隍之神。○又

敕封湖北通城縣靈顯城隍之神。○又

敕封江蘇蘇州府沛澤城隍之神。吳縣綏猷城隍之

神。長洲縣靈應城隍之神。元和縣保民城隍之

神。○又

敕封浙江海甯州昭感城隍之神。○又

敕封江西瑞昌縣靈感城隍之神。○又

敕封陝西鳳翔府保護城隍之神。○又

敕封奉天康平縣佑順城隍之神。○十三年。

敕封山東冠縣嘉佑城隍之神。○又

敕封山西洪洞縣宣威城隍之神。○又

敕封四川新津縣佑民城隍之神。馬邊廳靈佑城隍

之神。○又

敕封湖北隨州昭應城隍之神。興山縣靈護城隍之

神。○又

敕封奉天懷仁縣彰誠城隍之神。○又

敕封安徽安慶府贊化城隍之神。休甯縣昭應城隍之神。懷甯縣翊運城隍之神。○又

敕封江蘇東臺縣溥澤城隍之神。○又

敕封浙江象山縣昭感城隍之神。○又

敕封山東德平縣惠顯城隍之神。○又

敕封江蘇徐州府贊化城隍之神。○又

敕封奉天通化縣昭感城隍之神。○又

敕封甘肅新疆迪化縣靈感城隍之神。○又

敕封山西甯遠廳孚惠城隍之神。○又

敕封四川敘永直隸廳靈感城隍之神。○又

敕封奉天奉化縣彰化城隍之神。○又

敕封湖北宜昌府康濟城隍之神。漢川縣綏靖城隍之神。